

GAL auzia



berriz ikerbidean

Barrionuevo eta Vera akusatu ditu Alvarezek Auzitegi Gorenean


Segundo Mareyren bahiketaren atzean zeudela adierazi dio Moner epaileari

Alvarez Barne Ministerioi goi arduradun ohiak eutsi egin die Auzitegi Gorenean Barrionuevo eta Veraren kontrako akusazioei. Segundo Mareyren bahiketaren erantzuleak izatea leporatu die Alvarezek bere nagusiei, baina GALen beste ekintzetan nahastu gabe. Espetxean zegoenean, Barrionuevoren eta Peroteren bisita izan zuela aitortu zuen atzoko deklarazioan.

MADRIL

Francisco Alvarezek, GAL agertu zenean Bilboko Poliziako buruak, Auzitegi Gorenean deklaratu zhen atzo goizean. Garzon epailearen aurrean esandakoak berretsi zituen Alvarezek atzoko agerraldian. Eferen iturrien arabera, Barrionuevo eta Vera akusatu zituen Alvarezek eta Segundo Mareyren bahiketaren atzean egotea leporatu zien. Mareyren bahiketan Barne Ministerioi eskema hierarkikoa indarrean izan zela ziurtatu zuen atzo poliziburu ohiak. Egindako deklarazioan ez zituen aipatu beste hiru aforatuak (Gonzalez, Serra eta Benegas).

Bestalde, Alvarezek aitortu egin zuen espetxean zegoenean Barrionuevoren eta Perote koronelaren bisitak jaso zituela. Topaketa hauek, Alvarezen arabera, «adiskidetasunagatik» izan ziren. Aske gelditu ondoren eta artean Sancristobal espetxean zegoenean honengana joan zen



Francisco Alvarez kamarei muzin egiten sailatu ohi da.

EFE

Perote koronelarekin batera, atzoko deklarazioan aitortu zuenez.

Manuel Murillok, Alvarezen abokatuak, deklarazioa amaitutakoan azaldu zuenez, poliziburu ohiak aitortu zuen GALen izeinean «beste talde batzuek» egindako atentatuak bere gain hartzen zituela. Abokatuaren arabera, ordea, ez zuen inor nahastu atentatuekin, ez Goardia Zibila ezta CESID ere.

Bi ordüz izan zen Alvarez poliziburu ohiak Eduardo Moner epailearen aurrean deklaratzeko eta Segundo Mareyren bahiketaren kontakizuna egin zuen. Errefuxiatu bat bahitu beharrean, ETArekin zerikusia ez zuen gizon bat bahitu zutela konturatu

ziren gaua ekarri zuen gogora Alvarezek. Rafael Veraren dei baten bidez eta Jose Amedoren beste dei baten bidez jakin zuten Alvarezek eta Sancristobalek bahiketaren helburuarekin okertu egin zirela. Orduan, Jose Barrionuevo Barne ministroarekin kontsultatu zuten eta bera aurrean zegoela Sancristobalek telefonoz deitu zion hiru zifrako zenbaki bat markatuz. Gertaera horietan parte hartu zuela aitortu zuen Alvarezek, baina gaineratu zuen aginduak betez egin zuela. Agindu horiek legez kanpokoak izan zitezkeela pentsatu bazuen ere, Frantziako agintariekin akordioaren bat izan zitezkeela, eta legez kanpoko atxilotu bat istilu diplomatiko bat

bestarik ez zela izango uste zuen.

Alvarezen arabera, Barrionuevok bahiketaren prestaketaren berri izan zuen eta milioi bat liberaren bidez finantzatzea erabaki zuen. Diru hori Sancristobalek jaso zuen maletin marroi batean, Alvarezek deklaratu zuenez. Diru horren zati bat Amedori eman zioten eta bestea mertzenarioei.

Mareyren bahiketa eta egun batzuk geroago, Alvarezek bonba bat eman zien GALeko mertzenario batzuei. Leku publiko batean, hutsik zegoenean, leher-tarazteko zela esan zuen Alvarezek. Geroago, kalte pertsonalik sor ez zedin lehergailua ez jartzeko agindu zuela gaineratu zuen.

Inplikatu guztien auzipetzea baieztatuta

MADRIL

Entzutegi Nazionalak GALen auzian inplikaturik dauden hamalau lagunefatik bederatziren auzipetzea baieztatu zuen atzo, hauen abokatuak aurkeztutako errekursoak atzera bota ostean. Hamalau horietatik bik —Jose Amedo eta Michel Dominguez poliziak— ez zuten errekurtsorik aurkeztu eta prozesamendu autoa onartu zuten. Beste hiruren —Rafael Vera, Julian Sancristobal eta Miguel Planchuelo— auzipetzea uda aurretik aztertu eta baieztatu zuen Entzutegi Nazionalak. Beraz, GALen au-

zian inplikaturiko guztiak prozesatu ditu Entzutegiak.

Entzutegi Nazionalako iturriek jakinarazi zuten, epaitegi honetako penaleko gelako lehen sailak atzera bota ditu bederatziko prozesatuen abokatuak aurkeztutako errekursoak. Baltasar Garzon epaileak prozesamendu autoan erakunde armatuko kide izatea, legez kanpoko atxilotu eta hilketa saioak egotzi zizkien besteak beste bederatziko auzipetuei. Errekursoak arbuizatu dituen autoa gaur goizean jakinaraziko zaie parteei.

Bederatziko auzipetuak ondoakoak dira: Ricardo Garcia Dan-

borenea PSOEko Bizkaiko idazkari nagusi ohiak, Francisco Alvarez terrorismoaren aurkako borrokan aginte bakarreko buru ohiak, Juan de Justo Rafael Veraren idazkaria, Felix Hernando Goardia Zibileko teniente koronela eta Julio Hierro, Francisco Saiz Oveja, Anibal Machin, Luis Hens eta Juan Ramon Corujo polizia funtzionarioak. Guztiak fidantzapeko askatasunean daude.

Rafael Vera Estatuaren Segurtasunerako Estatu idazkari ohiaren, Julian Sancristobal Estatuaren Segurtasunerako zuzendari ohiaren eta Miguel Planchuelo Bilboko poliziburu

ohiaren errekursoak uda aurretik aztertu zituen Entzutegi Nazionalak, espetxean zeuden inplikatu bakarrak zirelako.

GALen sumario nagusia duela aste batzuk Auzitegi Gorenaren esku geratu zen arren, auzitegi horrek erabaki zuen aztergai zeuden errekursoak Entzutegiaren esku uztea. Irailaren 25ean aztertu zituzten errekursoak Madrillgo Entzutegi Nazionalen. Abokatuak beren defendituentzako akusazio batzuk erretiratzeko eskatu zuten; fiskalak eta herri akusazioak, berriz, auzipetzea bere horretan baieztatze eskatu zioten gelari.

Intxaurrondon utzi du Galindok jeneral gerrikoa

DONOSTIA

Enrique Rodriguez Galindok Intxaurrondoko (Donostia) Goardia Zibilaren koartelean utzi du jaso berri duen jeneral gerrikoa. Han dagoen Pilareko Amaren irudiari eskaini zion atzo kargu berriaren erakusgarria. Juan Alberto Belloch Espainiako Barne ministroak joan den astean jarri zion Galindori jeneral gerrikoa Madrilén. Aste honetan jakin da, bestalde, Goardia Zibileko zuzendariaren aholkulari izatea dela bere destinu berria.

Gerrikoa hartuta etorri zen atzo Galindo Intxaurrondora, agindu bezala Pilareko Amaren irudian jartzeko eta koarteleko goardia zibilen agurra jasotzeko. Ekitaldi pribatuak izan ziren atzokoak. Hiru pertsona bakarrik izan ziren jeneral gerrikoaren eskaintzan. Ondorengo bazkarian 130 pertsonak hartu zuten parte, goardia zibilek eta hauen senideek bereziki. Jose Antonio Agiriano, Espainiako Gobernuak EAEn duen ordezkaria, han izan zen. Komunikabideek ez zuten barrura sartzerik izan.

PPk dio «gezurra» dela ikerketa batzordearen kontra daudela

MADRIL

Jose Maria Aznar PPko lehendakariak eta Frederico Trillo talde parlamentarioko diputatuak atzo esan zuten, «gezurra» da PPko diputatu batzuk GALi buruzko ikerketa batzordea osatzaren kontra daudela. Batzordea eratzeke proposamena PPk egin zuen arren, EAJk eta IUk salatu dute Aznarren alderdia beste diputatuak presionatzen ari dela kontra bozka dezaten.

Proposamena gaur eztabaidatu eta bozkatuko da Espainiako Kongresuan. IUk, EAJk, Talde Mistoak eta CCK aldeko botoa emango dute, eta CiUk atzo erabakitzeko zuen artean zein izango den bere jarrera. PSOE kontra agertuko da.

Ikerketa batzordearekin batera, Intxaurrondoko koartela ikertzeke proposamena ere gaur eztabaidatzea nahi zuten IUk eta EAJk, baina PPk ez zuen onartu. Aznarrek atzo esan zuenez, ikerketa batzordeak erantzukizun politikoak ikertzeke dira.